



Inatsisartunut ilaasortaq Malene Vahl Rasmussen, Demokraatit  
Inatsisartut Allattoqarfiat  
/Maani

**Ingerlatseqatigiiffinni Namminersorlutik Oqartussanit pigineqartunik  
namminersortunngorsaanermut nassuiaat pillugu § 37 naapertorlugu  
apeqqummut nr. 2019/238-mut akissutit.**

17-07-2019

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Asasara Malene Vahl Rasmussen,

Ingerlatseqatigiiffinnut Namminersorlutik Oqartussanit pigineqartunut namminersortunngorsaanermut nassuiaatip killiffianut tunngatillugu Inatsisartut suleriaasianni § 37 naapertorlugu Naalakkersuisunut apeqquteqarsimavutit. Apeqqutigisatit uannit akisassanngortinneqarsimapput.

**Apeqqutigineqartut ima oqaasertaqarput:**

- 1. UKA2016/57-p oqallisigineranut atatillugu Naalakkersuisut peqquneqarput namminersortunngorsarneqarsinnaasut pillugit nassuiaammik saqqummiussissasut. Ulloq 5. marts 2018 qinersinissap suaarutigineqarnera sioqqullugu suliamut atatillugu suummita angumerineqarpat?**

Qinersinissap suaarutigineqarnera sioqqullugu ilumut ingerlatseqatigiiffiit Namminersorlutik Oqartussanit pigineqartut ataasiakkaat suliffeqarfik tamakkerlugu ilaannaalluunniit namminersortunngorsarsinnaanerannut tulluurtuunersut piareersimanersullu naliliiffigineqarsimapput. Taamatut sulisoqarnera ingerlatseqatigiiffiit aqutsisuinik suleqateqarnikkut pivoq.

Namminersortunngorsaanissamut periarfissat aningaasaqarnikkut inuiaqatigiillu tungaasigut pissarsiffiusinnaasut tunngavigalugit nalilersorneqarput, tamakkuuppullu pingaaruteqarluinnartuusut namminersortunngorsaaasoqarniarpat isummernissamut tunngaviusussat.

Misissuinissat nutarterinissallu pinngitsoorsimapput, tamakkulu suliarineqaaqartussaagaluarput ingerlatseqatigiiffiit Namminersorlutik Oqartussanit pigineqartut pillugit namminersortunngorsaaasoqarnissaanut nassuiaammik suliaqarneq naammassineqassappat.

**2. Naalakkersuisut nammineq piumassusertik naapertorlugu nassuiaasiornertik ingerlatiinnarniarpaat inerneranillu Inatsisartunut saqqummiussillutik? Taamaassappat kissaatigaara tusassallugu Inatsisartut saqqummiussivigineqarnissartik qaqugu naatsorsuutigisinnaaneraat?**

Ingerlatseqatigiiffinnut Namminersorlutik Oqartussanit pigineqartunut namminersortunngorsaanissamut periarfissaasinnaasut ilaatigut misissuiffiginerisigut qanoq iliorkuni pisortat inuussutissarsiutinut akuleruttarnerisa minnerulersinnaanerit misissuiffigineqassasoq Inatsisartuni naalakkersuisooqatigiit nalunaarutigereernikuuaat. Innuttaasunillu kiffartuussinerit ajorse-riassanngitsut peqatigitillugu piumasarineqarpoq. Naalakkersuisut ingerlatseqatigiiffinni Namminersorlutik Oqartussanit pigineqartuni namminersortunngorsaanerit pillugit naliliiniarnerat anguniakkanik taakkuningga aallaveqarput.

Namminersortunngorsaanissamut nassuiaat ingerlatseqatigiiffinnik Namminersorlutik Oqartussanit pigineqartunik taamaallaat naliliiffiusoq Naalakkersuisut akuersissuteqarnerisigut Inatsisartut ukiakkut ataatsimiinnerisa naalernerani Inatsisartunut agguanneqarsinnaajumaarpoq.

**3. Naalakkersuisunut taggeqquneqarpoq, nassuiaatip inarneqarnissaa qanoq akeqassanersoq?**

Ingerlatseqatigiiffinnut Namminersorlutik Oqartussanit pigineqartunut namminersortunngorsaanissamut nassuiaatip naammassineqarnissaa Naalakkersuisut Siulittaasuata Naalakkersuisoqarfianut ingerlatsinermut aningaasaliissutaareersut iluanni isumagineqarsinnaasutut nalilerneqarpoq.

**4. Suliamut tunngasunik allanik soqutiginaatilinnik naalakkersuisut paasissutissiisinnaappat? Suliamut tunngatillugu allanik soqutiginarsinnaasunik Naalakkersuisut paasissutissiisinnaappat?**

Apeqqutinut saqqummiunneqartunut allanik oqaaseqaatissaqanngilanga.

Inussiarnersumik inuulluaqqusillunga



Kim Kielsen